



Jafnréttisstofa


Nefndasvið Alþingis
Austurstræti 8-10
150 Reykjavík

Akureyri, 17. febrúar 2020
2002069 JFK

Efni: Umsögn Jafnréttisstofu um frumvarp til laga um breytingu á lögum um skyldutryggingu lífeyrisréttinda og starfsemi lífeyrissjóða, nr. 129 1997, 99. mál

Jafnréttisstofa þakkar fyrir tækifærið að koma að umsögn sinni vegna ofangreinds máls. Stofan fagnar þessu frumvarpi og styður að það verði að lögum. Líkt og fram kemur í greinargerð þá er tilgangur þess sá að kveða á um að sjóðirnir setji sér jafnréttisstefnu sem nái til fjárfestinga þeirra og skýri frá því hvernig eftirfylgni við jafnréttisstefnu sé háttað í framkvæmd. Jafnréttisstofa telur að þetta sé jákvætt skref í átt að auknu jafnrétti og til þess fallið að auka gagnsæi að því er varðar starfsemi lífeyrissjóða.

Jafnréttisstofa styður því að frumvarp þetta verði að lögum.



Jón Fannar Kolbeinsson
lögfræðingur

Hallveigarstaðir, Reykjavík
25. febrúar 2020


Efni: Umsögn Kvenréttindafélags Íslands um breytingu á lögum um skyldutryggingu lífeyrisréttinda og starfsemi lífeyrissjóða, nr. 129/1997, þingskjal 99, 99. mál, 150 löggjafarþing

Kvenréttindafélag Íslands lýsir yfir stuðningi við þetta frumvarp sem felur í sér að lífeyrissjóðir setji sér jafnréttisstefnu sem nái til fjárfestinga sjóðsins.

Jöfn þátttaka kynjanna í ákvarðanatöku í samfélaginu er grundvallarforsenda lýðræðis, og því miður er það enn svo að í íslensku atvinnulífi hallar mjög á konur í stjórnunarstöðum.

Eins og kemur fram í greinargerð með þessu frumvarpi er samfélagslegt hlutverk lífeyrissjóða nú þegar endurspeglað í 36. gr. laga um starfsemi lífeyrissjóða nr. 129/1997 sem kveður á um að lífeyrissjóður skuli hafa hagsmuni sjóðfélaga að leiðarljósi og setja sér siðferðisleg viðmið í fjárfestingum. Telur Kvenréttindafélag Íslands mikil bót ef skerpt verði á þessum lögum svo að lífeyrissjóðir setji sér jafnréttisstefnu og framfylgi henni, og þurfi að skýra sérstaklega forsendur þess ef ákveðið er að fjárfesta í fyrirtækjum þar sem kynjahalli er verulegur meðal æðstu stjórnenda.

Ef öll fyrirtæki, stofnanir og stjórnvöld leggjast saman á árar, er hægt að knýja fram nauðsynlegar breytingar til að auka jafnrétti kynjanna og tryggja framtíð komandi kynslóða.



Brynhildur Heiðar- og Ómarsdóttir
framkvæmdastýra Kvenréttindafélags Íslands


Nefndasvið Alþingis
Efnahags- og viðskiptanefnd

Reykjavík, 13. febrúar 2020

Efni: Umsögn Landssamtaka lífeyrissjóða um frumvarp til laga um breytingu á lögum um skyldutryggingu lífeyrisréttinda og starfsemi lífeyrissjóða , nr. 129/1997 (jafnréttisstefna lífeyrissjóða), 99. mál.

Með tölvupósti frá nefndasviði Alþingis, þann 11. febrúar sl., barst Landssamtökum lífeyrissjóða (LL) ofangreint mál til umsagnar. Málið er nú endurflutt þar sem það var upphaflega lagt fram á 148. löggjafarþingi (23. mál) og aftur á 149. löggjafarþingi (120. mál) en hefur ekki hlotið afgreiðslu. LL sendu inn umsögn þegar málið var upphaflega lagt fram, sbr. hjálagða umsögn dags. 26. febrúar 2018 og vísast til hennar.

Virðingarfyllt,
f.h. Landssamtaka lífeyrissjóða


Þórey S. Þórðardóttir, framkvæmdastjóri



Nefndasvið Alþingis
Efnahags- og viðskiptanefnd
Austurstræti 8-10
150 Reykjavík

Reykjavík, 26. febrúar 2018

Efni: Umsögn Landssamtaka lífeyrissjóða um frumvarp til laga um breytingu á lögum um skyldutryggingu lífeyrisréttinda og starfsemi lífeyrissjóða, nr. 129/1997 (jafnréttisstefna lífeyrissjóða), 23. mál.

Með tölvupósti frá nefndasviði Alþingis, þann 7. febrúar sl., var Landssamtökum lífeyrissjóða (LL) sent til umsagnar ofangreint mál sem kveður á um að lífeyrissjóðir skuli setja sér jafnréttisstefnu er nái til fjárfestinga sjóðsins og að í skýrslu stjórnar skuli tilgreind framkvæmd stefnunnar.

Mikil og hröð þróun hefur að undanfögnu átt sér stað í þá átt að krefjast þess að fjárfest sé með ábyrgð og sjálfbærni að leiðarljósi. Lífeyrissjóðir eru langtíma fjárfestar sem taka við iðgjöldum frá almenningi (sjóðfélögum), ávaxta þau og greiða út lífeyri. Lífeyrissjóðir fara því með viðamikla fjárhagslega hagsmuni sjóðfélaga sinna til langs tíma. Í því ljósi er sjálfsagt og eðlilegt að ríkar kröfur séu gerðar til þeirra m.a. um samfélagslega ábyrgð sem fjárfesta.

Á þessum grunni var, við nýlega endurskoðun á fjárfestingarheimildum lífeyrissjóða, sett ákvæði um að lífeyrissjóðum beri að setja sér siðferðileg viðmið í fjárfestingum, sbr. 5. tl. 1. mgr. 36. gr. laga nr. 129/1997, sbr. 5. tl. 4. gr. laga nr. 113/2016.

Hvað felst í siðferðilegum viðmiðum er afar matskennt og hefur helst verið litið til þess að átt sé við það að lífeyrissjóðir skuli setja sér stefnu í ábyrgum fjárfestingum og er þá almennt litið til þriggja flokka, það er umhverfi, samfélags og stjórnarháttar (environment, social and governance (ESG)). Jafnréttismálin falla þarna undir en þar má tilgreina fleiri þætti s.s. loftlagsmál, vatnsgæði, nýtingu orkuauðlinda, endurvinnslu og heilsufarstengd málefni.

Almennt ber að gjalda varhug við að binda hendur fjárfesta við að móta siðferðileg viðmið enda mikilvægt að svigrúm sé til staðar við þróun á siðferðilegu gildismati.


Varðandi jafnrétti kynjanna hefur lengi verið þörf á sérstökum áherslum og er hér á landi lögbundin skylda að líta til jafnréttissjónarmiða, sbr. sérstök lög um jafna stöðu og jafnan rétt kvenna og karla nr. 10/2008. Eru þau lög sett með það að markmiði að viðhalda jafnrétti og jöfnum tækifærum kvenna og karla á öllum sviðum samfélagsins. Þrátt fyrir það virðist raunin vera sú að konum hefur ekki fjölgað sem skyldi í stjórnunarstöðum innan fjármálageirans eins og rakið er í greinargerð með frumvarpi því sem hér er til umfjöllunar.

Í þessu ljósi má vel vera að þörf sé á að setja jafnréttismál skör ofar öðrum siðferðilegum viðmiðum og setja sérstök ákvæði í lögum um skyldutryggingu lífeyrisréttinda og starfsemi lífeyrissjóða sem skyldar lífeyrissjóði til að setja sér jafnréttisstefnu er nái til fjárfestinga. Slík

ákvæði kunna að hafa jákvæð áhrif. **LL leggja þó ríka áherslu á að varhugavert er að setja sérstakar kröfur á lífeyrissjóði í þessum efnum umfram þær kröfur sem gerðar eru til annarra stofnanafjárfesta.** Því liggur beint við að samhliða þessu frumvarpi verði það að lögum að lögfestar verði sambærilegar kröfur til stofnanafjárfesta, a.m.k. þeirra sem teljast til eftirlitsskyldra aðila. Í þessu sambandi ber að líta til almenns jafnræðis fjárfesta og því verður að telja eðlilega þá kröfu að lög og reglur sem um þá gildi séu sambærileg.

Virðingarfyllt,

f.h. Landssamtaka lífeyrissjóða



Þórey S. Þóðardóttir, framkvæmdastjóri



21. febrúar 2020
Tilv.: 2002075

Nefndasvið Alþingis
nefndasvid@althingi.is
Austurstræti 8 – 10
150 Reykjavík

Efni: Umsögn um frumvarp til laga um breytingu á lögum nr. 129/1997 (jafnréttisstefna lífeyrissjóða), 150. löggjafarþing, 99. mál

Með tölvupósti dags. 11. febrúar 2020 óskaði efnahags- og viðskiptanefnd Alþingis eftir umsögn Seðlabanka Íslands um ofangreint frumvarp.

Með frumvarpinu er lögð til breyting á 36. og 41. gr. laga um lífeyrissjóði nr. 129/1997.

Í frumvarpinu kemur fram að það hafi verið lagt fram á 148. og 149. löggjafarþingi og því endurflutt nú.

Bent er á að Fjármálaeftirlitið (nú Fjármálaeftirlit Seðlabanka Íslands) sendi umsögn þann 27. febrúar 2018 við sambærilegt frumvarp¹ og vísast til hennar.

Virðingarfyllst,

SEÐLABANKI ÍSLANDS


Rúnar Guðmundsson


Grímur Sigurðarson

¹ 148 löggjafarþing, 23. mál.

SEÐLABANKI ÍSLANDS

KALKOFNSVEGI 1 · 101 REYKJAVÍK

SÍMI: 569 9600 · NETFANG: seðlabanki@seðlabanki.is · BRÉFASÍMI: 569 9605